

Sakspapir

| | | |
|----------------------|--------------------|-------------------|
| Sakshandsamar | Arkiv | ArkivsakID |
| Sveinung Toft | FA - C20, FE - 223 | 16/984 |

| | | | |
|--------------|---------------|-------------|-------------|
| Saknr | Utval | Type | Dato |
| 126/2016 | Formannskapet | PS | 29.11.2016 |

Søknad frå Stordalen Vel om tilskot til løypekøyning vinteren 2017

Vedlegg:

| Journalposttittel | Dato |
|--|------------|
| SVEL Søknad til Masfjorden kommune om tilskot sporkøyning 2017 | 18.11.2016 |
| Vedlegg 1, Tilbud løypekøyning 2017 a | 18.11.2016 |
| Vedlegg 2, Løypekart spor 16 | 18.11.2016 |
| Vedlegg 3, Rekneskap Stordalen Vel mai 2016 | 18.11.2016 |

Rådmannen sitt framlegg til vedtak:

Masfjorden kommune gjev eit tilskot på krone 5.000,- til løypekøyning i regi av Stordalen Vel.

Tilskotet vert løyvd frå disposisjonsfondet.

Saksopplysningar:

Bakgrunn og fakta:

Stordalen Vel har i e-post dagsett 4. november søkt om tilskot på krone 30.000,- frå Masfjorden kommune til oppkøyning av skiløyper vinteren 2017. i søknaden, sjå vedlegg. Innleiingsvis skriv dei at dei arbeider for at Stordalen skal bli eit utfartsområde for Nordhordland, Gulen og Høyanger, og at dei arbeider med følgjande konkrete tiltak:

Konkrete handlingsplaner/tiltak:

- *Skaffa til veie midler til fellestiltak i området*
- *Arbeide for helsefremmende tiltak og få folk ut i naturen*
- *Oppkøyning av skiløyper i nærområdet til Stordalen – familievennlige løyper*
- *Arbeide for tilrettelegging av parkeringsplasser for dagsturister*
- *Arbeide for betre dekning for mobil, internett og DAB.»*

Dei legg ved eit budsjett som viser ein kostnad på krone 125.000,- til løypekøyning og kjem med framlegg om finansiering frå fleire kommunar og kontingent frå hyttelaget m.v.

| Beskrivelse | Budsjett 2017 |
|---|---------------|
| Kostnad løypekjøring Arne Berg Fritid AS | 125000 |
| Sum driftsutgifter | 125000 |
| Kontingent fra hyttelaget | 30000 |
| Tilskudd fra Høyanger kommune | 30000 |
| Tilskudd fra Masfjorden kommune | 30000 |
| Tilskudd fra Lindås kommune | 10000 |
| Tilskudd fra Gulen kommune | 10000 |
| Sponsormidler | 15000 |
| Sum driftsinntekter | 125000 |

Tilbudet frå Berg Fritid saman med løypekart vert og lagt ved saka. Det viser at Stordalen Vel ønskjer å ha ei løypekjøring etter alternativ 3, som gjeld for løypekjøring i inntil 30 dagar inkludert nokre helger. Alternativ 1 er same køyrenivå som tidlegare år (15 dagar a 4,5 timar) , og vil koma på krone 80.000,-.

Vurdering

Rådmannen meiner at løypekjøring er eit godt tiltak som vil fremja folkehelse og trivnad for mange typer grupper som soknar til Stordalen. Ei løypekjøring vil byggja opp under bruken av Stordalen både for hyttefolk og tilreisande i vintersesongen, og vil medføra at Stordalen vert eit viktigare utfartsmål for mange i Nordhordland. Det igjen kan styrke grunnlaget for næringsutviklinga i dalen. Ut frå budsjettmessige prioriteringar og utsikter til reduserte inntekter i framtida, meiner rådmannen at det er vanskeleg å gje eit tilskot på krone 30.000,- som omsøkt. Ein rår difor til at formannskapet løyver krone 5.000,- til omsøkt tiltak.

Konklusjon

Rådmannen rår til at det vert løyvd krone 5.000,- til omsøkt tiltak.

Formannskapet - 126/2016

FS - behandling:

Ordførar Karstein Totland (H) orienterte kort og saka vart drøfta.

Frode Langhelle (H) sette fram forslag om at tilskotet vert sett til kr 10 000.

Torill Torsvik Størkersen (Ap) støtta auke i tilskotet til kr 10 000 og meinte og at dette kunne vore dekkja over kraftfondet.

Framlegg til vedtak med endringane frå H og Ap vart samrøystes vedteke.

FS - vedtak:

Masfjorden kommune gjev eit tilskot på krone 10.000,- til løypeøying i regi av Stordalen Vel.

Tilskotet vert løyvd frå kraftfondet.